

## APPENDICE TERZA — DOCUMENTI

### *Actus assignationis dotis Ecclesiae Divae Mariae de Custonaci extra moenia.*

Die tertio iunii quintae indictionis millesimo quingentesimo septuagesimo septimo.

Cum universitas civium et personarum excelsae civitatis Montis Sancti Juliani maxima devotione prosequatur venerabilem atque devotam ecclesiam gloriosae et intemeratae Dei Genitricis Mariae semper virginis sub nomine de Custonagio fundatam in territorio extra moenia dictae civitatis Montis Mazariensis Dioecesis ruralem equidem, et absque cura, in qua ecclesia celebratur, recolitur, et memoratur festivitas, et solemnitas Immaculae Conceptionis eiusdem Reginae coelorum, et in eadem sub Imagine ibidem depicta cunctis Christi Fidelibus ad eam pie, et devote confluentibus, et specialiter dictis civibus, et personis praedictae civitatis Montis ipsa Domina Angelorum, cum sit Mater Gratiae atque Misericordiae, plurima in dies miracula conferre non dedignatur, hisque stantibus, et aliis quampluribus rationibus, et causis, animum praedictorum civium, et personarum iam dictae civitatis Montis pie digneque moventibus, et ut dictae Dominae Nostrae in dicta ecclesia perpetuus reddatur honor, et gratiarum actio, ipsisque civibus et personis praedictae civitatis Montis et eorum posteris, spiritualeque decus, et quodammodo temporale, et causabilis, et amplior acerescat devotio, et divini cultus ferventius augmentum, dicta Universitas recurrans his proximis decursis temporibus ad sanctitatem Domini Nostri Papae Gregorii Tertii Decimi obtinuerit a dicto Summo Pontifice Apostolicam Bullam omni qua decet solemnitate expeditam, sigillo plumbeo impendenti munitam super concessione Juris Patronatus, eligendique et praesentandi idoneum praedictae ecclesiae rectorem, quoties illam vocare contingerit quomodolibet, facta prius dotatione, et assignatione per iam dictam Universitatem, et eius homines dictae ecclesiae de ducatis viginti quatuor annui red-

ditus auri de camera, qui summam capiunt uncearum duodecim, et tarenorum sex annui redditus monetae huius Regni Siciliae; dictum Jus Patronatus, eligendique et praesentandi dictae Ecclesiae rectorem facultas dictae universitati, et eius hominibus ab illustrissimo et reverendissimo domino Mazariensi episcopo, cui dicta Apostolica Bulla est directa, concederentur, et ut clarius ex tenore dictae Apostolicae Bullae datae Romae apud Sanctum Petrum anno Dominicae Incarnationis millesimo quingentesimo septuagesimo quarto kalendas iulii, Pontificatus dicti Sanctissimi Patris et Domini Nostri anno tertio, continetur, executorialiae exinde ab Excellentia sua in hoc Siciliae Regno ultra Farum ad huiusmodi literas executoriales datas Panormi die vigesima sexta mensis martii anni tertiae Indictionis millesimo quingentesimo septuagesimo quinto, et inter haec ante obtentam dictarum literarum executorialium licentiam, detento consilio in hac civitate cum interventu magnificorum officialium et civium ipsius civitatis more solito congregatorum super deliberatione dationis et assignationis dictorum ducatorum viginti quatuor annui redditus de camera donandorum dictae ecclesiae pro dote, ut supra, qui important unceas duodecim et tarenos sex annui redditus in pecunia ponderis generalis huius Regni Siciliae, fuerit in ipso Consilio, ut supra, detento conclusum quod caperentur tot pecuniae de pecuniis dictae Universitatis quod suppetere pro emendis dictis unceis duodecim, et tarenis sex annui redditus ad rationem de decem pro centenario iuxta formam Bullae Apostolicae, ut clarius ex tali concilio, ut supra, detento, et accordato et in Actis Curiae magnificorum Dominorum Juratorum huius civitatis descripto die duodecimo decembris tertiae Indictionis millesimo quingentesimo septuagesimo quarto apparet, praemissisque stantibus, fuerint obtentae literae confirmatoriae dicti Consilii ab excellentia illustrissimi et excellentissimi Domini Pro-Regis huius regni sub visione Tribunalis, ut patet ex forma huiusmodi literarum confirmatorialium datarum Panormi die sexto mensis maii nuper elapsi, hisque, ut praemissum est, peractis, volentes infrascripti Domini Jurati huius civitatis praedictae Montis Sancti Juliani, imo optantes Jus Patronatus eligendique, et praesentandi rectorem dictae ecclesiae Dominae Nostrae sub die-

to nomine de Custonagio pro eis iuratorio dicto nomine et pro tota Universitate et civibus ac personis omnibus eiusdem et civitatis in perpetuum obtinere, stante maxime Apostolica Bulla iam dicta, decreverint ad dotationem praefatae ecclesiae, et ad assignationem praedictarum pecuniarum, de quibus supra, et maxime in dicto Consilio declaratarum, et ad praesentem actum, ac etiam ad omnia et singula infrascripta devenire modo et forma de quibus infra.

Idcirco hodie die praetitulato magnifici Dominici Nicolaus Guarnotta, Antoninus Juffrè, Franciscus Morana et Joannes de Maranzano de civitate Montis S. Juliani mihi notario cogniti praesentes coram nobis intevenientes ad haec veluti iurati huius praedictae civitatis Montis anni praesentis in vim praesentis actus et omni alio modo, iuratorio nomine praedicto, et pro dote dictae ecclesiae Dominae Nostrae de Custonagio fundatae, ut supra, in territorio huius civitatis Montis praefatae Mazarionensis Dioecesis, et pro obtenta facultate Juris Patronatus et praesentandi, eligendique beneficalem seu rectorem dictae ecclesiae, sponte nomine totius Universitatis huius praedictae civitatis, et per ipsam Universitatem, eiusque cives, homines, et personas sub reservationibus, et conditionibus infra scriptis, et non aliter, nec alio modo; stantibus praecalendatis apostolico rescripto, literis suae Excellentiae, et consilio huius civitatis, titulo et causa donationis merae, purae, simplicis, et inrevocabilis inter vivos, dederunt, donaverunt, dotaverunt, refutaverunt, renunciaverunt, intra manus posuerunt, et assignaverunt, donant, dotant, refutant, renuntiant, intra manus ponunt, atque assignant, et titulo ipsius donationis, dotationis, refutationis, renuntiationis, assignationis, et quidquid melius dici potest, et posset, quomodolibet tradiderunt, et habere, licere concesserunt, et concedunt praefatae venerabili et devotae ecclesiae Dominae Nostrae de Custonagio, et cuicumque eius reverendo beneficiali seu rectori, qui pro tempore fuerit et successive eligetur, et praesentabitur, me notario ut persona publica meo publico officio pro dicta ecclesia, ac dicto rectore eligendo solemniter stipulante, et recipiente unceas decem annuales, censuales et rendales, francas quidem, liberas et expeditas ab omni empara, sequestro et alio

quovis impedimento debitas, et anno quolibet solvendas dictae Universitati per magnificum Dominum Joannem Baptistam Deidone, et consortim quoad unceas quinque, et per magistrum Manfredum de Amico, et consortim quoad alias unceas quinque ad rationem de decem pro centenario iuxta formam Bullarum Apostolicarum iure subiugationis vigore contractus huiusmodi subiugatorii facti in actis meis infrascripti notarii die decima septima mensis martii nonae Indictionis millesimo quingentesimo septuagesimo quarto, et notarum in pede ipsius nonnullarum ratificationum prout in eis subiugarum, et impositarum super illis bonis specialiter et generaliter in dicto contractu subiugatorio declaratis et forte in notis praedictis, et sub pacto redimendi in dicto contractu contentis, et non aliter, nec alio modo, et hoc una interusuris dicti iuris census uncearum decem anni praesentis hactenus decursuris, et de cetero cursuris ipsius praesentis anni quae sunt in summa uncearum decem, nec non et cum aliis unceis novem ponderis generalis debitis dictae Universitati, et cum interusuris annorum tertiae, et quartae Indictionis proxime decursarum per dictos subgabellatores seu alias eorum iuxta formam dicti contractus subiugatorii quae interusuria praedicta tantum voluerunt quod exigi possint, et debeant per procuratores dictae ecclesiae, et convertantur in emptionem reddituum pro ut infra, et non aliter, alias, nec alio modo.

Quarum quidem uncearum decem redditus praedicti, ut supra donatarum ex causa dotis praedictae possessionem, vel quasi ad dominium quam et quod dicti magnifici iurati datores, et donatores iuratorio dicto nomine in eorum animo habent, tenent et possident, vel quasi a se deponentes et abdicantes in dictam ecclesiam seu verius in eius futurum rectorem beneficalem seu ministrum pro tempore eligendum, me notario, et persona publica in meo animo pro dicta ecclesia, ac dicto futuro rectore recipere volente, dederunt, cesserunt, transtulerunt, mandaverunt, et quasi tradiderunt, et constituerunt se per dictam Universitatem et suos per illas de caetero, et ex nunc in antea pro parte, et nomine dictae ecclesiae, seu eius rectoris qui pro tempore fuerit, et eligetur, per constitutum, et constituti nomine

tenere, et possidere donec et quousque dicta ecclesia seu verius eius futurus rector corporalem vel quasi ceperit et intraverit possessionem, quam intrandi capiendi habendi, et arbitrio proprio retinendi ei de caetero, et ex nunc in antea auctoritatem, licentiam, et liberam tribuerunt, et cesserunt potestatem ac de iure contulerunt pariter, et de facto.

Ad habendum per dictam ecclesiam, et quemcumque eius futurum rectorem dictas unceas decem annui redditus, ut supra, ex dote dotatas, et assignatas cum iuribus earum universis de caetero, et ex tunc in antea tenendum, petendum, exigendum, possidendum, vel quasi uti fruendum, et gaudendum, et nullatenus vendendum, nec alienandum.

Mandantes propterea dicti magnifici iurati iuratorio dicto nomine per dictam Universitatem et suos in vim praesentis actus vicem epistolae in hac parte gerentis dictis de Daidone et Amico subiugatoribus, et aliis cum eis obligatis, et omnibus, et singulis conductoribus, detemptoribus, et possessoribus honorum in dicto contractu subiugatorio subiugatorum, et cuiusvis partis eorum, et cuilibet ipsorum, quatenus ad solam praesentis actus ostensionem velit, et debeat de dictis redditibus, ut supra, donatis plenarie rependere, illosque dare realiter, et cum effectu solvere dictae ecclesiae et eius futuro rectori, me notario pro eis stipulante, in fine mensis augusti cuiuslibet anni, incipiendo primam solutionem facere in fine mensis augusti anni praesentis et ab inde in antea integre, et indimute continere, et perseverare, nullo alio ab eis expectato mandato.

Cedentes propterea, et perpetuo remittentes dicti magnifici iurati donatores iuratorio dicto nomine per dictam Universitatem, et suos eidem ecclesiae, et cuicumque eius futuro rectori, me notario pro ea, et eo solemniter ut persona publica stipulante, et recipiente, omnia et singula iura, omnesque actiones reales, personales, utiles, directas, mixtas, tacitas, compraehensas et expressas, praelorias, et civiles, et alias quascumque, nec non et omnem spem, et exercitium ipsorum iurium, et actionum, quae et quas habuerunt, habebant et habent, ac possunt, et sperant habere, sibi que dicto nomine ac dictae Universitati competunt, competeabant, et competere possunt, et possent, ac po-

tuerunt quomodolibet in futurum in dictis unceis decem annui redditus ut supra donatis, et assignatis, earumque capitali dictisque de interusuris hactenus decursis, et de coetero cursuris, et bonis pro eis subiugalis, et omni parte eorum contra et adversus dictum magistrum Joannem Baptistam Daidone, dictumque de Amico, et consortim, et quoscumque detemptores, conductores et possessores bonorum subiugatorum, et contra quemlibet eorum, et alias quascumque personas, haeredes, et bona quomodolibet eorum, et alias quascumque personas, haeredes, et bona quomodolibet obligatas, et obligata vigore praedicti contractus subiugatorii, et aliorum quorumvis contractuum et quorumcumque scripturarum publicarum privatarum, et sine. Consulentes etc. Ponentes etc. Ut amodo etc.

Propterea dicti magnifici iurati iuratorio dicto nomine praesentialiter et manualiter solverunt, dederunt, et assignaverunt magistro Joanni Petro Sucamelio uno de procuratoribus, et constituto ad praesens pro arca pecuniarum dictae ecclesiae mihi notario cognito, praesenti et recipienti unceas tres in pecunea ponderis generalis per manus nominati Joannis Petri de Ansaldo thesaurarii pecuniarum Universitatis praedictae, solventis ad mandatum dictorum dominorum iuratorum hodie sibi factum, quas unceas tres nec non et alias unceas decem et novem exigendas de interusuris praedictis dictarum uncearum decem annui redditus ut supra donatarum, et tarenorum novem de interusuris anni praeteriti seu annorum praeteritorum, et unceas decem de interusuris anni praesentis, quae interusuria ad dictam summam uncearum decem, et novem exigere possint dictus magister de Sucameli et alii procuratores dictae ecclesiae, quibus procuratoribus, praesente et stipulante, ac recipiente dicto magistro de Sucameli pro se et aliis procuratoribus dictae ecclesiae procuratorio dicto nomine dicti magnifici iurati iuratorio nomine praedicto vi praesentis dederunt et donant, ac tribuerunt, et concesserunt, et concedunt omnimodam auctoritatem, et potestatem dicta interusuria ad dictam summam uncearum decem, et novem petendi, exigendi, et consequendi et de eis cautelas faciendi, eisque exactis, pecunias praedictas dictorum interusuriorum tunc exactas, et alias ut supra sibi solutas, quae in earum summam

capiunt unceas viginti duarum, convertere debeat dictus magister de Sucamelio cum aliis procuratoribus eiusdem ecclesiae procuratorio dicto nomine in emptionem uncearum duarum, et tarenorum sex annui redditus ad rationem de decem pro centenario, iuxta formam Bullarum Apostolicarum a tultis personis cum publicis intermediis cautelis ad nomen dictae ecclesiae, et cuiuscumque eius futuri rectoris, et beneficalis, eisque emptis ut supra ipsae unceae duae, et tarenis sex annui redditus uniantur, et coniungantur, prout ex nunc pro tunc, et e contra dicti magnifici iurati dicto nomine univerunt, et uniunt et coniunxerunt, et coniungunt dictis unceis decem annui redditus ut supra donatis et assignatis, et sic ad summam uncearum duodecim et tarenorum sex, ipsaeque unceae duodecim, et tarenorum sex annui redditus intelligantur, et sint acquisitae dictae ecclesiae et unicuique eius futuro rectori in et pro dote dictae ecclesiae sub et cum praeviis conditionibus et reservationibus infrascriptis, sub quibus ad praesentem actum intelligatur, et sit deventum, et non aliter, nec alio modo.

Et primo quod semper et omni futuro tempore dicta Universitas huius civitatis Montis et pro ea eius magnifici iurati, et homines ipsius qui pro tempore fuerint, habeant, et habeat, et habere debeant Jus Patronatus dictae ecclesiae Sanctae Mariae de Custonagio, et eligendi, nominandi, et praesentandi beneficialem et rectorem ipsius ecclesiae pro tempore eligendum, nominandum, et praesentandum, quoties opus fuerit, et eam vacare contingerit, quod Jus Patronatus ut supra dictae Universitati, eiusque dominis iuratis, et hominibus ipsius in perpetuum sit, et esse debeat reservatum, et non aliter, nec alio modo.

Item quod quicumque futurus rector dictae ecclesiae qui pro tempore fuerit, teneatur, et sit obligatus, ac debeat, iusto impedimento cessante, in dicta ecclesia continuato tempore permorari, ibidemque missas celebrare, et alia divina officia temporibus debitis, saltem singulis diebus festivis, secunda quoque quarta et sexta feria, et die sabati cuiuslibet hebdomadae in perpetuum; cui quidem rectori, et beneficali qui pro tempore fuerit, anno quolibet tantummodo acquirantur, et acquiri debeant fructus, et annuales proventus dictarum uncearum duodecim, et tarenorum sex annui redditus praedicti, ut supra, ex causa do-

tationis donatarum; ita quod in omni casu redemptionis praedictorum reddituum pretium principale eorum iterum convertatur et converti debeat in emptionem aliorum reddituum pro effectu praedicto, et sic in perpetuum verificari debeat toties quoties dicti redditus anni emi et reemi contingerit et non aliter, nec alio modo, per officiales dictae ecclesiae, et non ad aliud opus possit converti; reliquae vero elemosinae, oblationes, dona charitativa eidem ecclesiae pro tempore donandae, et donanda, offerendae, et offerenda, faciendae, et facienda quomodolibet, et omne id, et quidquid dictae ecclesiae donabitur, offeretur, et donatum fuerit, et oblatum per quascumque personas quavis ex causa quomodocumque, et qualitercumque, cunctis futuris et perpetuis temporibus omni meliori modo acquirantur, et acquiratur, et acquiri debeant, et debeat, et perveniant, et perveniat, et pervenire debeat, et debeant, factaeque, donatae, et oblatae, facta quoque, donata et oblata, et factum, donatum et oblatum, acquisitaeque, et acquisita, et acquisitum sint, et intelligantur, ac sit, et intelligatur sive in pecunia, sive in quibuscumque aliis bonis et rebus contineatur, et contineantur, maragmati dictae ecclesiae convertendi, et convertenda, ac convertendum in augmentum ipsius maragmatis in beneficium, utilitatem, et commoditatem, ac pro ornamentis dictae ecclesiae ad omne bonum iudicium, sanioeremque sagacitatem, diligentiam, considerationem, providentiam, et per scrutationem rectorum et procuratorum maragmatum, et negotiorum temporalium dictae ecclesiae pro tempore eligendorum.

Ita quod huiusmodi rectores et procuratores dictae ecclesiae pro maragmatibus, et negotiis temporalibus ipsius omni futuro tempore, absque alia contradictione eligi possint, et debeant per magnificos dominos iuratos huius civitatis Montis annualim ad eorum beneplacitum, ut diligentius, et utilius res, et negotia ipsius ecclesiae in temporalibus peragantur, pertractentur, et perficiantur omni meliori modo.

Supplices dicti magnifici iurati iuratorio dicto nomine de nomine totius Universitatis, et homines huius praedictae civitatis Montis vi praesentis, et omni alio meliori modo humiliter petentes, et fiducialiter exorantes sanctitatem Summi Pontificis et Beatissimi Patris Domini Nostri Papae praesentis, vel pro tem-



pore futuri, quatenus praemissa omnia, et singula idem Beatissimus Pater confirmare, et dictae Universitati, eiusque iuratis, hominibus, et personis pro tempore existentibus, et pro omni futuro tempore sub praemissis conditionibus, et reservationibus benigne tribuere, et concedere dignaretur, et haec eadem pari modo confirmari, et concedi ipsi Universitati, et eius iuratis, hominibus et personis, ea qua decet humilitate deprecantes ab illustrissimo et reverendissimo domino Episcopo Mazariensi, eiusque benignum consensum praestari in his omnibus, et singulis postulantes omni meliori modo; ita quod si praemissa omnia, et singula nullatenus confirmarentur, et non cederentur, imo contradicerentur quomodocumque et denegarentur quomodolibet, tali casu praedicta donatio, et assignatio dictorum reddituum, et pecuniarum totaliter evanescat et revertatur in totum ad dictam Universitatem, eique cum omni commodo ex ea accrescat, praemissaque omnia, et singula corruantur, et pro invalidis habeantur, et tali casu quaelibet pars, ad quam hoc tangeret negotium, sit, et esse debeat in iure suo, in quo erat ante praemissa, et praesentem actum, eis tali casu in aliquo non obstantibus, quoniam sic voluerunt dicti magnifici iurati iuratorio dicto nomine, et non aliter, nec alio modo.

Quam quidem donationem, et assignationem, et omnia et singula praemissa, et infrascripta sub conditionibus, quibus supra dicti magnifici iurati dicto nomine promiserunt mihi notario publico stipulanti pro dicta ecclesia, et quocumque eius futuro rectore ratas, gratas et firmas, ac rata, grata et firma habere, ipsamque donationem infringi non posse in omnem eventum etc. In pace etc.

Sub hipoteca, et obligatione omnium et singulorum bonorum dictae Universitatis mobilium, et stabilium etc. cum refectione etc. Constituentes omnibus exceptionibus, et specialiter cum iuramento, ac beneficio restitutionis in integrum etc. caeterisque iuris, et facti remediis et praedicta attendere etc. Juraverunt etc. Testes nobilis Joannes Paulus Gervasio.

Joannes Petrus La Valliata — Antoninus Deidonus.

Magister Vitus Jo Coduto, et alii quamplures.

Ex actis meis notarii Antonii de Floreno de civitate Montis Sancti Juliani — Salva collatione.

*Actus electionis Mariae Virginis de Custonaci in Patronam  
Principalem Excelsae Civitatis Montis S. Juliani 1630.*

Die sexto decembris decimae quartae Indictionis millesimo  
sexcentesimo trigesimo.

Cunctis pateat, singulisque evidenter compertum cognitumque existat, qualiter spectabiles Nicolaus Pilato, Mattheus Gervasi, et Franciscus Palazzolo quondam Joannis Antonii, tres ex spectabilibus iuratis huius excelsae civitatis Montis S. Juliani, sedis et anni praesentis XIV. considerantes tot tantaque beneficia, totidemque innumerabiles gratias a summo Omnipotentique Deo excelsae huic stanti ericinae civitati, singulisque huius Universitatis Montis S. Juliani personis collatas ac concessas per intercessionem Beatae Virginis Immaculatae Conceptionis, cuius Icona atque Imago apud nos iam colendissima ac devotissima hodie hic Montis reperitur, et praecipue memorandum illud beneficium in horrendo illo pestis tempore, non solum olim annis iam plurimis elapsis, verum etiam nostra hac tempestate, nostrisque hisce proxime elapsis temporibus nostrae huic tunc miserae civitati, nobisque civibus tali morbo laborantibus concessum, quando in tot tantisque miseris, pestiferisque horroribus reperti ac immersi innumeris orationibus amarisque lacrymis ac gemitibus ad hanc devotissimam nobisque gratiosissimam Beatissimae Virginis Immaculatae Conceptionis sic vulgo dictam de Custonaci accurrentes, eamque nostra in Moenia devotissime conferentes, pia eius intercessione pestifer ille morbus fuit penitus extinctus: Ac deinde infinitas gratias minime obliviscendas in toties apud Deum pro nobis impetrandis pluvii, quando vel segelibus prae nimia aquae penuria arescentibus, vel miseris agricolis prae nimia terrae ariditate pluviarumque desiderio agros suos minime colentibus, ipsa tandem colendissima Imagine huc adveniente a nobis vix deprecata, statim evenit ut exoptatae pluviae undique abundarent, campique ac segetes ubique laetarentur, sicuti nunc nobis novissime evenit, quando praeterito mense novembri, terra penitus arida, fontibusque ac puteis penitus siccis, animalia siti

peribant, et quod peius agricolae nullo pacto terram arare volebant. Accurrentes autem nos solito more ad hanc pietatis misericordiarumque Matrem Mariam Virginem de Custonaci vulgo dictam, eiusque pulcherrimam hanc, ac in nos pretiosissimam Imaginem in civitatem conducentes, licet prius nonnullis peractis processionibus cum eadem Imagine et sine, tandem in decorando eiusdem Virginis Mariae Praesentationis die sufficiens pluvia per ipsam fuit nobis e coelo largita, plurimaeque alia beneficia per ipsam piissimam Matrem erga hanc civitatem omnesque cives in dies collata, quae brevitatis gratia omittuntur, decreverunt, propter eorum totiusque populi huius praedictae civitatis devotionem erga Venerabilissimam praedictam Imaginem, eam in Patronam, et Dominam accipere, prout vi praesentis dicti spectabiles iurati mihi notario cogniti coram nobis omnique meliori modo, quo melius fieri potuit, et potest, perpetuo valituro et duraturo per eos et successores loco eorum, sponte elegerunt, et nominaverunt, atque eligunt et nominant in Patronam et Dominam huius praedictae civitatis Montis S. Juliani, eiusque Universitatis dictam Beatissimam Virginem Immaculatae Conceptionis, suamque praedictam Iconam et Imaginem vulgo dictam de Custonaci; quam Beatissimam Virginem ipsi spectabiles iurati instantissime rogaverunt, et rogant, quatenus per eius clementiam et pietatem dignetur sub eius patrocinio, protectione, et tutela civitatem ipsam eiusque cives accipere.

Et in signum huiusmodi patrocinii, protectionis, et devotionis dicti spectabiles iurati nomine Universitatis huius praedictae civitatis per eos, et successores loco eorum statuerunt, atque dotaverunt, et dotant dictae Venerabili Iconae atque Imagini B. M. Virginis Immaculatae Conceptionis vulgo dictae de Custonaci, me Notario stipulante pro dicta ecclesia, eiusque procuratoribus, dare, solvere et expendere de pecuniis dictae Universitatis totam illam pecuniae summam necessariam pro celebranda festivitate dictae B. M. Virginis Immaculatae Conceptionis, quae celebratur sub die 8 decembris, toties quoties dicta Ven. Imago reperiri contingerit in hac civitate pro quavis necessitate et causa, declarandam et dicendam ipsam summam oretenus per procuratorem et thesaurarium dictae ecclesiae, qui pro tempore fue-

rit; quam summam praedictam necessariam pro celebranda festivitate praedicta, quando dicta Imago in hac civitate fuerit, et declarandam, prout supradicti spectabiles iurati per eos, et successores loco eorum dare, et expendere, ac solvere promiserunt, et se obligaverunt et obligant de pecuniis dictae Universitatis dicto thesaurario, me notario stipulante pro eo, statim facta eis et aliis eorum loco dicta declaratione oretenus in pace, et de pleno etc.

Quam quidem praesentem electionem, et dotationem, omniaque et singula supradicta et infrascripta praedicti spectabiles iurati dicto nomine promiserunt ratam, gratam, et firmam, ac rata et firma semper habere in omni eventu in pace etc.

Sub hip. etc.

Testes D. Leonardus Cosenza et Crispinus Maiorana.

Ex actis quondam Leonardi Candela notarii huius excelsae ac fidelissimae urbis Montis S. Juliani praesens copia extracta est—  
Collatione salva.

## BRIEVE

### CORONATIONIS SACRAE IMAGINIS

## B<sup>MAE</sup> VIRGINIS MARIAE DE CUSTONACI

1752.

Hentius Tituli Sanctae Mariae in Porticu S. R. E. Presbyter Cardinalis, Presbyter Barocensis, ac Sacrosanctae Basilicae Principis Apostolorum de Urbe Archipresbyter, nec non capitulum, et Canonici ejusdem Sacrosanctae Basilicae. Cum exponi nobis fecerint Illustrissimus et Reverendissimus Dominus Episcopus Mazariensis, et Spectabiles Jurati Civitatis Montis Sancti Juliani in Regno Siciliae reperiri Ecclesiam Beatissimae Virginis Mariae Sanctissimum Puerum Jesu in brachio gestantis in tabula depictae, quae non minus vetustate quam miraculorum frequentia, ac magno populi, ne dum praedictae Civitatis, verum etiam totius praedicti Regni concursu summopere ab omnibus veneratur, ut nobis constare fecerunt per testimoniales literas ejusdem Reverendissimi Domini Episcopi dictae Civitatis Mazariensis. Hinc ad hoc ut ferventissima Christi fidelium devotio semper vigeat, eandemque devotionem honore praestantiori, quo fieri potest, augeri cupientes, apud Nos, ad quos Sacras Deiparae Imagines claras miraculis coronandi munus spectat, et pertinet ex pia fundatione, et legato relicto, et ordinato a bonae memoriae Comite Alexandro Sforza, praedictam Sacram Deiparae Imaginem Sanctissimum Puerum Jesum in brachio gestantem Aureis Coronis Coronare, et eisdem privilegiis per Nos in similibus concedi solitis prosequi enixe institerint, dictamque coronationem eidem Reverendissimo Domino Episcopo Mazariensi, et in ejus absentia seu impedimento alteri Illmo. et Rmo. Domino Epi-

scopo sibi beneviso pro executione praedictae coronationis committere dignaremur. Proposita itaque in Capitulo habito die XI maii anni mox elapsi 1751 huiusmodi instantia, habitaque de super matura consideratione vetustatis Imaginis, nec non dictorum miraculorum, quibus Deus Optimus illam insignire dignatus est, annuere decrevimus. Hinc confisi de pietate, et prudentia praenominati Illustrissimi Domini Episcopi Mazariensis, eoque impedito seu absente, alterius Illustrissimi, et Reverendissimi Domini Episcopi sibi benevisi, Dominationibus suis Reverendissimis, et cuilibet ex eis solemnem coronationem gerenti, vices nostras dictique nostri Capituli per praesentes committimus, et conferimus; quatenus Coronas aureas praedictas, iam a Nobis ad hunc effectum traditas, et consignatas Oratoribus, et pro eis Reverendissimo Domino Patri Maurilio Bargellini Praeposito Domus, et Ecclesiae Sancti Andreae Apostoli de Valle nuncupatae de Urbe, illorum nomine, seu nominibus, pro ut constat ex instrumento consignationis earundem, rogato per acta infrascripta die ad quod etc. dictam Sacram Deiparae Imaginem, una cum Sanctissimo Puero Jesu coronando, capitibus eiusdem Virginis Mariae, et Sanctissimi Pueri Jesu in dicta Ecclesia sub dicta invocatione de Custonaci super imponere, et solemnitatem huius Coronationis iuxta ritum, et solemnitates in similibus destinatas, et assignatas perficere dignaretur, cunctaque privilegia a Nobis in similibus concedi solita, omni meliori, et validiori modo, quo possumus, harum serie in Domino concedimus, et elargimur.

In quorum omnium fidem praesentes manu Reverendissimi Domini Canonici Secretarii Magistri Cappellani, ac dicti nostri eiusdemque Sacrosanctae Basilicae Notarii et Cancellarii subscribi, nostrique Capitularis sigilli, quo in similibus utimur, iussumus et fecimus impressione muniri — Datum Romae ex dicta Sacrosancta Basilica, et ex loco nostro solito Capitulari. Anno a nativitate Domini nostri Jesu Christi 1752. Indictionis decimae quintae die quarta mensis maii; Pontificatus autem Sanctissimi in eodem Christo Patris ac Domini nostri Benedicti divina providentia Papae XIV anno duodecimo.

Philippus Amodעי Canonice Secretarius.— Franciscus M. Lo-

rentinus eiusdem Illustrissimi Capituli, ac praedictae Sacrosanctae Basilicae Notarius ac Cancellarius.

Drepani die vigesimosexto augusti 1752. — Jesus praesent. registr. exequatur, et parti restituatur — Stella Vicarius generalis — Notarius D. Matthaeus Verdirame Cancellarius, Magister Notarius.

Ex Registro Magnae Curiae Episcopalis Mazariensis de anno 1752 praesens Copia extracta est.— Collatione salva.

Sacerdos Hieronymus Maiorana Pro-Cancellarius in decursu sacrae Visitationis.